

Naqqiut

Siunnersuut UKA2025/162 14. august 2025-meersoq taarserpaa.

(Siunnersuuteqartup aqqi naqqiutigineqarpoq)

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

Aningaasanut tunngasumik ingerlatsivimmik (finansiell virksomhed), tassannga aningaasaateqarfik, sillimmasiisarfik, soraarnerussutisiaqarfik kalaallinik tamakkiisumik amerlanerussuteqartunilluunniit pigineqartussamik, pilersitsinissamut periarfissanik nalunaarusiornissamut Naalakkersuisut peqquneqarnissaannut Inatsisartut aalajangiiffigisassaattut siunnersuut. Nalunaarusiaq UKA2026 aallartinnginnerani Inatsisartunut agguanneqassaaq.
(Inatsisartuni eqimattak, Naleraq)

Tunngavilersuut:

Kalaallinik pigineqartumik, annertunerusumilluunniit piginneqataaffigineqartumik aningaasaateqarfimmik peqanngilagut. Grønlandsbanken allaat danskit soraarnerussutisiaqarfiisa piginneqataangaatsiarfigaat. BankNordik Savalimmiut Naalakkersuisoqarfiata allallu savalimmiut piginneqataangaatsiarfigaat. Kalaallilluunniit sillimasiisarfiutaannik peqanngilagut.

Iternaga tikillugu aqqutisissiuussinissaq eqqarsaatigalugu periarfissaa misissulaartigu.

Ukiorpassuannngulersuni naalakkersuinikkut eqqartorneqartuarpoq, aningaasat, ilami aningaasarpassuit nunatsinni annerusumik kaaviiartinnagit sulisinnagillu nunatsinniit avammut aniatinnartakkatta qanoq iliornikkut nunatsinnut iluaqutaanerumik aaqqiivigineqarsinnaanerat.

Maannamummi takusinnaavarput nunatta innuttaasullu aningaasaataasa ingerlanneqarnerat aningaaserivinnik avataaniit piginnittuinnangaavilinnik marlunnik nunatsinnit pigineqanngitsunik aqunneqarlutik ingerlanneqartut. Aamma isumaqarpugut nuna naalagaaffinngorusuttoq nunaqavissunik nunatsinniillu pigineqavittumik aningaaseriveqarnikkut imminut sullinnissaminik qulakkeerinnittariaqartoq.

Inatsisartut siornatigut assingusumik misissuitsinissaq akuersissutigini kuuat¹, kisiannili tamakkiisumik naammassineqarnikuunngitsoq, maannalu paasissutissanik ullutsinnut nutarsakkanik amigaateqartoq.

Taamaammat qulaani misissuitsinertut taaneqartoq Naalakkersuisut peqquneqarlutik ingerlatissagaat siunnersuutigaput, tunngavissaqarlumillu oqallinnissaq kingorna piniassammat, siunissami aningaasanut tunngasumik ingerlatsivimmik (finansiel virkshomhed) kalaallinik tamakkiisumik amerlanerussuteqartumilluunniit pigineqartumik pilersitsisoqassanersoq aalajangiiffigineqarsinnaalerumaarpoq.

Soorlu aningaasat 100 millionilikkaat innuttaasuneersut ukiut tamaasa nunatsinniit aniapput². Innuttaasut inuiaqatigiit pigisaat nunatsinniit aniapput, inuiaqatigiit iluini iluaqutaatinneqarnatik kaaviiartinneqarnatillu.

Uagut, illit uangalu. suliffeqarfiit innuttaasut pigisaat, nunatsinnilu namminersortut sukataartut, nunatta avataanut sillimmasiinarlutik akiliisarput. Aalisakkerivimmi fabrikkimi sulisumit sulinermi ajoqusernermut sillimmasiinerniit namminersorlutik oqartussat iniutaannut sillimmasiinerit danskit naalgaaffiannut akilerneqartarput, tamakkulu ilaatigut aningaasat Københavnimi inissianik sanaartornernut aningaasaliinernut tuttarput³.

Nunatsinni najugaqartut sillimmasiisarfinnut akiliutai uninngaannangillat. Toqqaannartumik sillimmasiinermut ajoqusernertut atorineqanngikkaluarlutik kaaviiarput. Aningaasat taakku aningaasaliissutigineqarput, taamaalillutik nalilimmik pinngortitsillutik, nalimillu annaasaqarnatik. Aningaasat nunatta innuttaasuineersut ajorluartumik nunatsinnut aningaasaliinernik atunngillat innuttaasut iluaqutiginnaasaannut, soorlu assersuutigalugu Danmarkimi taamaaliortut.

Soorlu aamma aningaasaliinerit pingaarnerusut nunatta killiata avataani pisartut, tamakku pisarput sillimmasiisarfiit nunaanni, adresseqarfigisaminni tassa Danmarkimi.

ATP, Danmarkimi qinikkanik pilersinneqarsimasoq⁴, Danmarkimi pensiuuninut allaffissornikkullu suliffeqarfik anginerpaajusoq, imminullu taasartoq ”Danmarkimi mingutsitsinngitsunik aningaasaliisuni anginerpaaq”⁵ Danmarkimi, nunatsinnilu innuttaasut akiliutaannik atuisartut soorlu Københavnimi inissialiornernut, nunalu akiliingaatsiartartoq pimoorussiffigineqarnani: nunarput.

¹ UKA2017/135

² § 37 apeqqutit nr.: 2024-80, 2024-174, 2024-175, 2024-176, 2024-177, 2024-178

³ <https://atp-ejendomme.dk/nyheder/ny-model-til-flere-almene-boliger>

⁴ <https://www.atp.dk/om-os>

⁵ <https://www.atp.dk/ansvarlige-investeringer>

Aammattaaq inatsisit malillugit pisussaaffiuvoq assersuutigalugu nunatsinni sulisut sinnerlugit sulinermit ajoqusersimanermut sillimmasernikkut akiliinissarput, toqqaannaq danskit innuttaasuisa kaasarfiannut immiisartut. Nunatta innuttaasuinukarneq ajortut.

Maannattaaq ammaapparput allamiut suliffeqarfissui uagut naliutitsinnik pisisinnaalernissaannut: aalisarneq. Pisassiissutit pigissavaat. Kilisaataat aalisartuusimasup angerlarsimaffiata silataani aalisassapput. Tamarmik allamiunngussapput, inuiaqatigiittullu aningasaatigut annisissallugit, nunattalu avataani aningaasaliissutigalugillu. Kisianni aatsaat taamaassapput iliuuseqanngikkutta.

Taamaattumik periarfissat misissussavagut, soorlu allat naalagaaffiit iluatsissimasutulli, qanoq aningaasaliinerit annertusiinnarnagit, kisianni aningaasaliutaasimasut annertusarnissaannut. Immitsinnut aningaasaliiffigisariaqarpugut, Kalaallit nunatsinnut aningaasaliisariaqarpugut.

Pisortanut aningaasatigut allaffissornikkullu kingunerisassat

Misissuititsinermit pisortatigut aningaasartuutissat nalilernerqarput 125-250.000 kr. missiliussagai, tassa sulisorineqartussap $\frac{1}{4}$ -miit $\frac{1}{2}$ -imut ukiumut nalinga. Naalakkersuisut allamik isumaqassagaluarpata tamanna naalakkersuisunit suliap siullermeerneqarnerani akissummi nassuiaateqarfigineqassasoq piumasarissavarput.

Namminersorluni inuussutissarsiuteqarnermut aningaasatigut allaffissornikkullu kingunerisassat

Soqanngilaq.

Innuttaasunut aningaasatigut allaffissornikkullu kingunerisassat

Soqanngilaq.